

Go Mo PHAGAMIŠA

Go TŠWA Go HISTORI

 Ke a go leboga, Ngwanešu Neville. Mantšiboa a mabotse, bagwera. Ka nnete ke... Ke tsea wo go ba monyetla wo mogolo, go ba mo ka tabarenekeleng, bošegong bjo, go thoma gape molokoloko wa dikopano tša bošego tše tlhano. E bile kgajana ge e sa le ke eba le tsošeletšo fa ka tabarenekeleng. Ga se ra ke ra e bega ka dipampiring, goba eng kapa eng, feela gore re tsebe gore re be re ka se be le sekgoba sa go lekanelo go dudiša batho, gobane ke ye nnyane, gomme madulo a ren a šokiša kudu. Eupša re tla dira feela tšohle re kgonago go dudiša. Re be re eya go hwetša tšimi ya sekolo se se phagamego fa, gomme re ka e kwalakwatša, eupša fao ke nako ya sekolo bjale, gomme ke mohuta wo mothata go e swara.

² Gomme ke tla be ke tloga gabotse ka pela, ke a nagana, bakeng sa dimišene tša ka le go ya pele, go kgabaganya mawatle. Gomme ke be ke no nyaka go tla mmogo go ba le kopanelo ye nnyane le batho bohole pele re eya godimo gape.

³ Le a tseba, re a kopana, nako ka morago ga nako, gomme nako ye nngwe re ya go kopana lekga la mafelelo. Kafao re—re nyaka go tšwelapele thwi godimo kgauswi ka mo re kgonago le Morena le Lentšu la Gagwe, gomme ge re bona Lentšu la Gagwe le ikapola ka Bolona, letšatši ka letšatši, letšatši ka letšatši. Ke naganne go tla ba bose ge re ka ba le ko—ko kopano ye nnyane fa, gomme morago re tla rapelela balwetši.

⁴ Gomme ke boditšwe, nako ye nngwe ya go feta, ka pono ye Morena a mphilego yona, ngwaga wo mongwe wa go feta, ke a nagana, goba mohlomongwe bontši gannyane, ke na le yona e ngwadilwe ntle ka pukung ka gae, ya go fetolwa ga bodiredi. Gomme bontši bja lena batho le dutšego fa...nka se bolele bontši. Eupša elelwang ge la mathomo re agile tabarenekele ye, le elelwa pono ye e tlilego mosong re beilego letlapa la sekhutlo kua, ge A rile, “Ye ga se tabarenekele ya gago.” Eupša O ile a mpea ka fase ga mafaufau gomme a re, o mpoditše dilo tša go fapania di be di tla direga. Ge le tseba, lena šetšang seo se etla go phethega feela tlwa bjalo ka ge se boletšwe. Le a bona? Gomme ka mehla go bile ka tsela yeo. Kafao, kagona, ke khutša ka tiišetšo gore se A se bolelago, ke Modimo, gomme se swanetše go ba therešo.

⁵ Gomme ka gona nako ye nngwe ya go feta, ke be ke le ka ponong gomme ke bone te—te tente ye kgolo. Oo, e be e le serantlatla, taba ye kgolo. Gomme ke be ke sa no bolela,

gomme disoulo tše ntši di be di le aletareng, gomme ba be ba no ba mohuta wa go lla ka diatla tša bona godimo, ka setu le boleta. Monna yo mobotse wa go bolela boleta o tlie ntle sefaleng gomme a re, "Bjale ba tla dira mothalo wa thapelo ge Ngwanešu Branham a eba komana." Gomme ke be ke eme ka tsela *yela*, ka nnete, mothalo wa thapelo o be o tla ba go la nngele la ka. Gomme ke etše hloko lešaba la batho le le bego le bonala le khupetša poloko ya toropokgolo goba go feta, ba ba bego ba eme ka mothalong. Fao go be go le moago wo monnyane, moago wa dikota, bokagare bja tente ye. Gomme fao go be go le mosadi a eme fao, monna, yo motee a tšea maina, gomme batho ba be ba tsena ka gare godimo ga mahlotlo le maako, gomme ba tšwela ntle ka lehlakoreng le lengwe, ba sepela. Gabotse, ke maketše ke eng sohle se diregilego ka kua. Gomme ka gona Morongwa yola wa Morena, seswantšho sa Gagwe le se bonago mo, E tlogile go nna, gomme e ile thwi godimo ga moago wola wo monnyane, gomme ya ema fale, morago ya theogela tlase. Gomme Segalontšu se boletše, gomme se rile, "Ke tla kopana le wena ka lefelong lela." Gabotse, bjale, ke lebeletše pele go nako yeo.

⁶ Ke bile kgole, nako ye nngwe bjale, go khutša, ka lebaka la go ſoma kudu. Ke tla morago.

⁷ Gomme mafelelo a beke ya go feta, re bile le ye nnyane, mohuta wa thuto ya kereke lebaka la mašego a mararo fa. Woo ke, Mokibelo wa go feta bošego, Lamorena mosong, le Lamorena bošego, pele ga kopano ye. Mohuta wa go dira kereke e šikinyegile ka seemong, gore re kgone go ya pele le kopano ye e tla go pele bjale. Gomme ka gona ka pela ka morago ga se, Lamorena bošego e tla ba bošego bja ka bja taelano go tabarenekele lebakanyana, bokgole bjo ke tsebago. Gomme bjale...

⁸ Gomme ke a holofela le go tshepela go Modimo, gore nako ye nngwe mo bekeng ye, gore ke nyaka go ſomiša kamora ye nnyane ye godimo fa bakeng sa kamora ya thapelo. Le go iša balwetši le batlaišegi ka gare, le go bona ge eba O tla kopana le nna, le go thoma ka tabarenekeleng gape, ka bodiredi bjo boswa. Ka kgonthe ke tla rata go bo bona bo dirwa. Ga ke tsebe ke eng, bagwera ba ka. Ga ke ne kgopol e ka ba efe se bo tla bago. Eupša Yena Yo a theetsago bjale, ke a tshepa gore bo tla ba se sengwe gape go thuša ba Gagwe ba go šokiša, balwetši, bana ba go tlašega ba letšatši le. Ke Mo tshepiša gore ke tla ba go tshepega le go botega, le go leka go botega kudu go feta ke bile le dimpho tše dingwe tše A di filego. Gomme ge bo ka tla go phethega, bo tla no ba kgonthe bjalo ka ge tše dingwe di bile. Bjale tšona dimpho tše dingwe di sa no ba go tia bjalo ka ge di bile. Le a bona? Eupša ke lebeletše pele bakeng sa se sengwe se seswa go direga bjale, gomme ke a holofela se a direga fa. Bjale, ke naganne, mohlomongwe bošegong bjo re tla bolela le go bona ka fao ke ikwetšego.

⁹ Gomme selo se sengwe ke bego ke nyaka go se dira, ke be ke nyaka go leka go hwetša, ge re eya ka gare lekga la mathomo, ge nka kgona go romela mosadimogatša wa ka ka kua, gomme ke mo dumelele a be le nna ge bo etla tlase lekga la mathomo, go bona ge eba go tla ba ka tsela yeo. Ge go se bjalo, gona, go tlišeng basadi go kgabola, re tla ba tliša ka babedi ka nako, basadi ba babedi ka nako, ba etla go kgabola. Kafao ga ke re bo tla šoma ka tsela e ka ba efe; feela gore le tsebe, gobane go šetše go boletšwe gore re be re lebeletše se sengwe se seswa go direga, gomme re sona. Eupša bjale ga ke bolele gore O mpoditše e tla direga. Moo ke bonego ka ponong e be e le ka tenteng. Eupša, nnete, e ka no direga kae kapa kae, nako efe kapa efe, kafao re lebeletše pele go yona.

¹⁰ Bjale re ya go leka go le ntšha ka pela. Tirelo ya pina, seripa sa iri, le tirelo ya go rera, le tirelo ya aletara, le go ya pele, e ka ba iri e tee, ye e tla dirago iri le seripa, gore batho ba ba emego ba ka se be le dikrempe; le go tla morago gosasa bošego.

¹¹ Bjale, feela pele re bua Lentšu le la kgale la go šegofala, gomme re tla le netefaletša, re ka se tsoge ra bolela selo ka ntle ga se se lego ka go Leo, gobane Leo ke Motheo, gomme pele re dira, a re nong go inamiša dihlogo tša rena, nakwana, bakeng sa lentšu la thapelo.

¹² Morategi Modimo, ge re eme bošegong bjo ka Bogoneng bja Gago, le go lemogeng foreime ya rena ya go gwahlfala, gore re no ba lerole la lefase. Wena o re tlištše pele bjalo ka diphedi tše di phelago, go hlompha le go tagafatša Wena. Gomme re a lemoga gore maphelo a rena le boyo bja rena bo robetše ka diatleng tša Gago tša go šegofala. Gomme re ineetše renabeng, ka tumelo, ka diatleng tša Gago, re holofela gore boyo bja rena bja Gosafelego bo tla fiwa rena, go phela le Wena go ya go ile ka go lefase le lekaone, moo re ka se tsogego ra ba le thapelo bakeng sa balwetsi le bahloki. Go a se tsoge gwa ba megokgo e ewa go tšwa thameng. Go ka se tsoge gwa ba wa—wa go fokola, motho wa mašošo a ka tsogego a tla godimo. Eupša re tla ba ba baswa kua, go ya go ile, gomme letago la Modimo le tla ba godimo ga rena. Gomme re ka se hloke phodišo, gobane re tla fola Kagosafelego, go ya go ile. Ge sebopiwa se seo bjale re lego sona se tla fetolwa le go dirwa ka mmeleng boka mmele wa Gagwe mong wa letago, nako yeo re tla Mmona ka mo A lego. Go fihla iri yela ya go šegofala e fihla go yo mongwe le yo mongwe wa rena go tla, re rata go bea pele matsapa a mangwe le a mangwe re tsebago bjang, go tagafatša Leina la Gago le legolo, ka tumelo ye bjalo ka O re file.

¹³ Ke bošego pele ga kopano ye nnyane ye mmogo fa ka go lefelo le lennyane le la segopotšo, ka digopotšo tša tsošeletšo ya mathomo re e swerego fa. Gomme ye megolo, mediro ye maatla yeo O re laeditšego ka seatla se segolo sa Gago se maatla. Go tloga mo go swietše pele tsošeletšo go setšhaba se sengwe le se sengwe. Gomme go dikologa lefase, bošegong bjo, mello ya tsošeletšo e

tuka godimo ga dithaba, gomme banna le basadi ba a fodišwa malwetši a bona le malwetši, gomme ba tla go tsebana le Modimo wa therešo le wa go phela. O Morena Modimo, tšollela ntile Moya wa Gago godimo ga rena bošegong bjo, Morena, ka meelo ye megolo.

¹⁴ Gomme ge go Go kgahla bjalo, Morena, ge go le ka go lenaneo Kgethwa la Gago, re tla kgopela, O Modimo, gore ka moagong wo O tla thoma mpho ye mpsha ye go šoma, gore ba bao ba dutšego morago, go tšwa mašemong, gomme ba bile bahlabani ba thapelo, ba ka no bona, lekga la mathomo, seatla se segolo sa Jehofa se sepela ka go tsela ye mpsha ye (E fe, Morena.), le go ba batšeakarolo ba dikenywa. Re kgopela feela ka go kokobelala gore e tla fiwa mo, ka go tseba gore e tla ba felotsoko, ka gore re ikwela gore ke ka go peakanyo ye kgolo ya Gago go dira bjalo.

¹⁵ Bjale re šegofatše, Morena, ge re phetla morago matlakala a Puku, Lentšu la Gago le lekgethwa la go šegofala. A nke meboya ya rena e bulege go le amogela, Morena. Gomme ge ditirelo di tswaletšwe bošegong bjo, gomme re thoma go ya magae a rena a go fapano, a nke re bolele boka bale ba tšwago Emause, “A dipelo tša rena ga se tša swa ka gare ga rena, bošegong bjo, ge A be a bolela le rena tseleng?” Ka gore re e kgopela Leineng la Gagwe le bakeng sa letago la Gagwe. Amene.

¹⁶ Bošegong bjo ke kgethile, bakeng sa feela palo ya Lengwalo, ditemana di se kae, ge le rata go phetla go yona, go Puku ya Dikgoši, Dikgoši tša Pele, gomme tema ya 18 ya Dikgoši tša Pele. Gomme ke nyaka go thoma go bala go tloga go temana ya 17. Gomme ke rata go tšea nako yeo, bakeng sa sehlogo: *Go Mo Phagamiša Go Tšwa Go Histori*. Bjale, lena ba le e beago fase, nka no e tsopola gape: *Go Mo Phagamiša Go Tšwa Go Histori*. Bjale temana ya 17 ya tema ya 18 ya Dikgoši tša Pele.

*Gomme gwa tla go phethega, ge Ahaba a bona Eliya,
gore Ahaba o rile go yena, A ke wena yo a ferekanyago
Israele?*

*Gomme o arabile, ga se ke ferekanye Israele; eupša
wena, le ntlo ya tatago, ka gore le tlogetše melao ya
MORENA, le gore o latetše Baali.*

*Bjale kagona romela, gomme o kgobele go nna Israele
yohle thabeng ya Karamele, le baprofeta ba Baali
makgolonne le masometlhano, le baprofeta ba mehlare
makgolo a mane, ba ba jago tafoleng ya Isebele.*

*Kafao Ahaba o rometše go bana bohle ba Israele, le go
kgobela baprofeta mmogo go thaba ya Karamele.*

*Gomme Eliya o tlide go batho bohle, gomme o rile, Ke
botelele gakaakang le swere gare ga dikgopololo tše pedi?
Ge MORENA a le Modimo, mo lateleng: eupša ge Baali,
gona mo lateleng. Gomme batho ga se ba mo araba ka
lentšu.*

¹⁷ Re eme bošegong bjo mo morumong, gomme re šeditše go direga, le go phuthologa, mafelotiragalo a mabedi a magolo. Gomme mafelotiragalo a mabedi a magolo ale ke a: le lengwe la ona ke bofelo bja histori, gomme le lengwe ke bofelo bja nako. Gomme banna ba bantsi ba bagolo, go theoga go kgabola mabaka, ba hlologetše go bona iri ye yeo bjale re e batamelago. Gomme ge re phela ka go go dikeleng mo ga letago ga letšatši la go hwa le go hlaba ga Seetša sa Gosafelego, ke ikwela gore re phela ka go le lengwe la mabaka a mabotsebotse leo motho a kilego a dumelwelwa go phela, gobane ke go tswalela ga nako le go menaganelka gare ga Bokagosafelego. Histori e re botša feela se re se badilego, se se bilego. Gomme se se lego ka moso se letše ka seatleng sa Modimo. Gomme re hwetša, lehono, gore ga go histori ye ntši kudu e ngwalwago, gobane ga ke nagane e tla tsoge ya šomišwa.

¹⁸ Bobedi bja ditiragalo tše kgolo tše di kitimela ka meetseng a go se iše. Mohlala, mo . . . Ka fao re kitimišago ntle tlalelo ya setšhaba. Gomme tshireletšo ya setšhaba e kitimela ka meetseng a go se iše. Go sepela go dikologa, godimo ga lefase, go bonala o ka re e sego setšhaba sa rena feela, eupša ga go setšhaba se se tsebago feela se se ka se dirago. Go bonala eke go na le tlhakatlhakano mogohle. Ke ya ka Afrika, bohole ba boifa dikhuduego magareng ga batho, gomme bokomonisi bo swiela naga. Ke ya ka Switzerland, tsela ya go swana. Gomme ditšhaba tše dingwe tšohle ka go tšona ke di etetšego, di bonala go ba gore go na le khutšo ye e sego ya dudišega mogohle.

¹⁹ Bjale le a tseba, Morena wa rena o akanyeditšepele nako ye bjalo go tla, gore go tla ba “merusu magareng ga ditšhaba, nako ye thata, tlalelo magareng ga ditšhaba.”

²⁰ Gomme re lekile se sengwe le se sengwe seo se bonalago eke se a kgonega ka setho, go se dira se no tsea botelele gannyane. Eupša ke a dumela gore re no ba re kitimela ntle. Ga ke dumele gore go na le se sengwe gape seo re ka kgonago go se dira ka yona. Re no ba bofelong bja yona. Re lekile lebakana, go ba le dikgoši, gomme ga se ba ke ba šoma. Morago ba lekile temokrasi; ga e šome. Gomme re a lekwa . . . Ba lekile babušanoši, gomme ga e šome. Gomme ye nngwe le ye nngwe e bonala go no ba feela ga se iše kudu nthathana gannyane, nako le nako. Bjale re ema mo nakwaneng ye kgolo ge e ka ba eng e ka diregago. Go ka be go fedile, mo nakong ya metsotso ye mehlano, gore setšhaba se sengwe le se sengwe se tla be se robaditšwe go lerole.

²¹ Gomme ge re le ka go nako yeo, Kereke e swanetše go ba kae? Tlalelo ye kgolo!

²² Ka gona, gape, re na le tlalelo ya bophelo bja gae. Go bonala o ka re bophelo bjola bja legae bo kitimela ntle ka meetseng a go se iše. Go be go fela, ka legaeng, gore tate, hlologo ya ntlo, o be a tla dula fase mosong, gomme o be a tla bolela le lapa la gagwe,

gomme bohole ba be ba tla ntšhetša ntle Beibele ya lapa ya kgale le go bala feela nthathana gannyane, gomme—gomme bohole ba kgobokane go dikologa taftola le go ba le thapelo. Ga le sa bona seo gape. Gomme ge letšatši le feditšwe, gomme mme a hlatswitshe dibjana, bohole ba be ba kgobokane ka gare le go bala ye nngwe gape ya Beibele, le go rapela pele ba eya malaong.

²³ Go seleka ga baswa ka nnete e be e le se—se selo se sethata go se hwetša ka go wona matšatši. Bašemane bohole ba ile mašemong go šoma. Gomme basetsana ba thušitše mama ka go hlatswa ga bona, tlase mo nokaneng. Eupša, lehono, re no kgorometsha konope ye nnyane gomme dibjana tšohle di a dirwa. Gomme mma o ka koloing gomme o ile phathing ya karata, goba ntle o tlhetlha go dikologa godimo ga mekgotha. Gomme—gomme mo—mo mošomo o dirwa ke trekere gomme re no se be le selo eupša feela sehlopha sa ba dibodu, batho ba go tsekella.

²⁴ Gomme bophelo bja legae bo hlokologilwe kudu, go fihla Beibele e beilwe morago, go fihla ge ba swanetše go tsoma iri go hwetša e tee, ka magaeng a mantši ka Amerika. Ba ya kerekeng ka Lamorena mosong, bakeng sa bodumedi bja bona, lebaka la e ka ba metsotso ye masomepedi. Gomme ge modiša a tšeа e ka ba metsotso ye masometharo, o bitšwa mo potong. Ke eng? Bophelo bja legae bo a felela.

²⁵ Go be go fela go eba tate le mme ba ratane le go hlomphana le go thabišana. Gomme ge a be a tšofetše le bopududu, le go šošobana, gomme sefahlego sa gagwe sa go šokiša sa kgale se thadilwe, gomme digalase tša gagwe di lekeletše fase godimo ga nko ya gagwe, papa o mo ratile feela gabotse bjalo ka ge a dirile ge a be a le yo moswa le yo mobotse.

²⁶ Eupša, lehono, ga ke re go swaswalatša, eupša ge a tšofala gannyane, o no mo fetolanya bakeng sa mmotlolo wo moswa. Go bonala go ba ka tsela yeo, go swana le go fetola dikoloi goba se sengwe. Go bonala o ka re lerato lela la kgonthe la lapa ga le sa phela kudu go feta. Feel a se sengwe se diregile; bophelo bja legae bo a nyamalala. Ga re ne legae la kgale la Amerika bjalo ka ge re be re fela re eba le lona, mengwaga ye metelele ya go feta.

²⁷ Go na le selo se sengwe seo ke ratago go se bolela, seo ke selo se sengwe se nyamalalago, ke, segwera se a nyamalala. Ga go bonale o ka re re na le bagwera ba re bego re na le bona. Gomme bagwera ba re nago le bona ga se bagwera ba go botega boka ba be ba le. Go be go fela, ke kgona go elelwa, ge yo mongwe a babja ka boagišaning, gore yo mongwe le yo mongwe o tla tikologong gomme ba ba thušitše ka mošomo ohle wa bona, le go thuša go e ka ba eng e ka dirwago. Go dula le bona bošego bjohle ka nako. Bjalo ka ge ke fela ke bolela, ke therešo, gore, ga re tsebe moagišani o hwile go fihla re e bona ka lephephen. Segwera!

²⁸ Papa o ne sekgonyo sa ntlo, gomme mama o ne sekgonyo. Gomme bobedi ba ntle gomme ba ile, seripa sa bošego. Gomme bana, ga ba tsebe mo ba lego. Gomme ba bannyane ba na le mofepi. Gomme yeo ke tsela ye bophelo bo phelwago.

²⁹ A le a tseba Beibele e akanyeditšepele dilo tšohle tše? Kafao ke eng gona? Ke gore re eme ka leemong re šeditše dilo tše di kitimela ntle.

³⁰ A re tšeeng bophelo bja kereke. Fao ke mo yohle e thomilego. Bophelo bja kereke bo a nyamalala. Batho ba no tsea kereke, lehono, e nyakile go ba modingwana, boka kota ya moeno. Ba ya ba dula ka kerekeng, metsotso ye mehlano, gomme, "Ke dirile bodumedi bja ka." Patela meneelo wa gago wo monnyane, e ka ba eng e lego, go patela modiša. Ga ba dire seo; ba ne selalelo se sennyane, gomme ba se direla modiša. Gomme ge a se a kgotsofala, o hlehlela go ya felotsoko mo go tla mo fago mogolo wo mokaonana. Go bonala o ka re modiša ga a sa bitšwa ka Bokgethwa gape. Go no bonala o ka re e thoma go ba thekethe ya dijo go modiša. Gore, batho e ka ba kae ba mo neelago tšhelete ye ntšintši, šole o a ya. Ga gwa swanela go ba ka tsela yeo.

³¹ E swanetše go ba gore motho o biditšwe ke Modimo go setšhaba. Gomme ge a ile a swanela go robala fale boka Eliya a dirile, ka godimo ga thaba, mo nokeng ya Kirithe, gomme a letela magokubu go mo fepa, o swanetše go dula go fihla morero wa gagwe wo Mokgethwa o phethagaditswe. Ga go kgathale ge eba o hwetša peni, goba aowa, e swanetše go ba pitšo ya Modimo, pele.

³² Eupša go, bonala eke, go fetogile go pitšo ya tšhelete, goba maemo a magolwane le se sengwe mo lenaneong leo, goba go ba motho wa go tsebalega kudu le kereke ye kgolwane, goba se sengwe boka seo.

³³ Gomme ka gona kereke, ka kua, ba hlephišitše. Ba thoma go kitimela ntle. E nong go e šetša e tatologa.

³⁴ Bjale ke sa le ka tlase ga bogolo bja mengwaga ye masomethano. Gomme ke kgona go elelwa ke eya kerekeng ya Baptist le dikereke tša Methodist, le go ba bogela ka go tsošeletšo ya fešene ya kgale, ge ba be ba tla goelela le go tumiša Morena, le go sepelela godimo le fase mekgobeng le go phegelela badiradibe aletareng. Ga o sa bona seo le ge e ka ba kae gape. Ba be ba fela ba eba le dikopano tša thapeloo tša fešene ya kgale lebakeng la nako ya tsošeletšo, gomme modiradibe boagišaning, mošemane goba mosetsana, gomme bona bomme ba kgale le bopapa ba tla rapela thata kudu go fihla ba tla rapela go kgodišega go bana bale, gomme ba tla dira tsela ya bona go theogela aletareng, gomme fao ba tla go Kriste.

³⁵ Eupša ga le sa bona seo gape. Go bonala o ka re e kitima ka meetseng a go se iše. Go no se bonale o ka re go swanetše go ba ka tsela yeo.

³⁶ Gomme ka gona go be go fela go eba gore bontšintši e ka ba efe ya dikereke e be e tla ba, mo mengwageng ya go feta ge ba tla ba le tsošeletšo ka kerekeng e tee, dikereke tše dingwe tšohle di be di tla dirišana. Gomme ba be ba tla tla ka gare le go thuša, le go romela maloko a bona godimo, le go tswalela dikereke, le go ba le tsošeletšo. Ga le sa e bona gape.

³⁷ Bjale feela go diregile eng? Gomme o ya go dira eng ka yona? E no ba go phethagatša Lentšu la Modimo yo a phelago. Gomme e a šupa, dikota tše pedi: ye tee ya tšona, go kitima go tšwa nakong; gomme ye nngwe ye tee, go Tla ga Morena Jesu. Gobane Moya wo Mokgethwa ka kgonthe o boletše gomme o rile, “Ka matšatšing a mafelelo dikereke di tla ba hlogothata, monagano wa godimo, barati ba maipshino go feta barati ba Modimo; barobadikwano, baphari ba maaka, ba go se itshware, le banyatši ba bao ba bego ba lokile.” Kafao ge Beibele e boleletšepele dilo tše bjalo go ba, re ka letela bjang e ka ba eng gape eupša seo go direga? “Ba na le sebopego sa bomodimo, gomme ba gana Maatla a bjona.”

³⁸ Eyang go kgabola setšhaba se lehono, ditšhaba tša rena, gomme le hwetše badumedi ba bannyane ba go tlala seatla ba ba dumelago; ke ra, badumedi ba kgonthe bao ba dumelago gore Jesu Kriste ka kgonthe o a phela. Le a bona, ba na le kereke feela go modingwana. Re kgabotše yeo, matšatši a se makae a go feta, ka thutong ya rena. Re e lahlela godimo ga kereke ya Katoliki, medingwana ya bona, gomme ba e khunamela ge ba feta kgauswi le kereke. Gomme Maprotestant ba no ba ba babe, feela gore ba ye kua gatee ka lebakana. Gomme mohlomongwe ba bangwe ba bona ba no ya gatee ka ngwaga, gomme seo se ka Paseka.

³⁹ Ke kwele modiredi mo e sego telele go fetile, ka toropongkgolo, yo a dirilego tshwao ye. O rile, “Ke boditše batho bohle ba ka, mosong wa Paseka, ‘Krisemose ya lethabo.’” O rile, “Nka se sa ba bona gape go fihla Krisemose goba Paseka ya go latela. ‘Krisemose ya lethabo!’”

⁴⁰ Gomme ge re eme fa, re šeditše dilo tše di tatologa, gomme yo mongwe le yo mongwe wa rena ba hwago, le go tseba gore se sengwe se swanetše go direga. E no se kgone go ya pele ka mokgwa wo.

⁴¹ Motho yo mongwe le yo mongwe ga a ne nako go ema metsotso ye mehlano. Ba no ba ba go kgorometša le go kitima, le go hlagnela le go pitlagana, go kgabola mokgotha. Ge bana ba be ba etla godimo ga tselalephefo morago ga sekalela se, ke be ke etla... Goba, sekalela, e be e le. Ke be ke etšwa New Albany. Gomme mo go tla mohumagadi go theoga go kgabola tsela, magareng ga bana bao, e ka ba... ka lefelong la dimaele tše masomepedi, e ka ba dimaele tše masometshela goba masomešupa ka iri, feela ka maatla ka fao a kgonnego go phaphologana. Gomme o ya kae? Mo metsotsong e se mekiae, ke rile, “O nagana eng ka seo?” go motho yo a bego a na le

nna. Mo go tla dikoloi tše pedi gape di šiašiana, go swana le dikoloi tš motšetšhe, thwi godimo magareng ga bana bale. Go kgabola tsejana ya rena fale moo re dulago, mo mosong, go bjalo ka lefelo la mokato; ba swanetše go hlaganelo gae go hlatswa dibjana, goba go theetša Arthur Godfrey, goba se sengwe. O ya kae? Bothata ke eng? Ke eng e dirilego selo go nyama gohle, ke ka gobane banna le basadi ba bile barati ba lefase le la bjale. Selo se segolo, se swanetše go ba, go tla go tla gae go bala Beibele le nako go rapela.

⁴² Ke nagana ka mmago John Wesley, Susanne. O be a le mmago bana ba lesomešupa. Gomme o bile le nako go fetša, ke a nagana, e bile diiri tše pedi goba tše tharo letšatši le lengwe le le lengwe ka thapeleng. Gomme a godiša le fepa bana ba lesomešupa, yo a tlišitšego pele yo mongwe wa bareri ba bagologolo ba lefase, le yo mongwe wa bangwadi ba pina ba bagologolo kudu ba letšatši, Charles le John. Gobane, o tšere nako go hlankela Modimo, gomme e sego ka go dikadika ka go dilo tša lefase.

⁴³ Gomme ge re bone motheo wa rena wa setšhaba sa rena, motheo wa legae la rena, motheo wa kereke ya rena, o nwelela, gona, baena, re ka dira eng? Gona, ke nyaka go bolela se. Oo, ge nkabe ke na le segalontšu seo ke bego ke tla se dira mmalewaneng go lefase! Re na le motheo wa go tia o šetšego, gomme woo ke Lentšu la Modimo le lekgethwa la go šegofala, Beibele. Ka gore magodimo ohle le lefase di tla feta, eupša Lentšu la Modimo le ka se tsoge la feta. “Gomme godimo ga Leswika le,” Modimo o rile, “Ke tla aga Kereke ya Ka, gomme dikgoro tša hele di ka se kgone go fenya kgahlanong le Yona.”

⁴⁴ Kafao a monyetla wa go šegofala go rena bohole, go obeletša godimo le go tše Beibele ya kgale ye botse ya Modimo, le go phetla matlakala morago, le go tseba gore re bala Therešo thwi. Gomme go bona gore dinako tše di diregile ka matšatšing a a fetilego, ka gore e bolela ka Modimo wa histori. Gomme tsela e nnoši re yago go tsoge ra ba, go kgonana le ditsela tše, goba go—go wela ka mothalong, ke go biletša godimo, ka ntle ga histori, Modimo yola wa histori. Ka gore go kgabola matšatši ohle, ka tshenyegong ya meetsefula, pele ga go tla ga Kriste, le ka go ditiragalo tša go fapano, ga A ke a šitwa, ge A bitšwa. Ka mehla O a rereša.

⁴⁵ Ke nagana ka nako bjale, yela ge setšhaba se be se le bothopša. E be e le Israele. Gomme ba be ba le tlase ka Egepeta gomme ba dirwa bothata le boima, go direla Baegepeta. Go be go bonala o ka re yo mongwe le yo mongwe o be a nno gola go tonya. A le be le tseba gore Israele e bile ka Egepeta gabedi botelele boka United States e bile setšhaba? Ga re ka godimo ga e ka ba lekgolo le masometlhano goba masomešupa a mengwaga bogolo, se sengwe boka seo. Gomme ba be ba le mengwaga ye makgolonne le masomepedi ka ditlemong, goba

tlase ka Egepeta. Eupša go tlie nako, ge go bonagetše o ka re dikholofelo tšohle di ile.

⁴⁶ Eupša fao go be go le monna yo motee le mosadi ba ba bego ba bonala ba na le tumelo ka go Modimo wa histori yoo a boletšego le Abraham mo nakong ya tlalelo, gomme ba dumetše ba ka Mmitša gomme O tla araba. Gomme yoo e be e le Ham-... Amorama le Jogebeda, mosadimogatša wa Ham-... Amorama, mme le tatago Moshe. Gomme bjalo ka fa, nako ye nngwe ya go feta, ke be ke rera le go fa seswantšho se sennyane sa ka fao Amorama a tla tlago gae mo bošegong, gomme o be a tla re, “Jogebeda, ke lapile kudu.” Gomme megogoma ye meswa mokokotlong wa gagwe, go tšwa go se—se sefepi sa mogapeletši.

⁴⁷ Gomme o be a tla dula fase ka kgotlelelo, mohlomongwe, le go hlatswa ma—ma mafelo, le go lla le go re, “Oo, Amorama, a ga go ne se sengwe seo se ka go dirwa?”

⁴⁸ Ke be ke tla mo kwa a re, “Oo, morategi, ge nkabe o be o na le nna lehono, gomme o ba bone ba itia wona masogana, ba leka go goga merwalo yela. Eupša ba be ba se ne pelo. Ba ba swere boka ba be ba le diphoofolo. Gomme bao ke masogana a ren a Israele. A ga go na se sengwe se ka dirwago?”

⁴⁹ Seo ke se ke se makalago bjale. Go bona bašemane ba ren a baswa ba mahlalagading, bao e tla bago banna le basadi ba gosasa, batšwamahlalagading ba ren a lehono. Moriri tlase ka molaleng wa bona, gomme dipemota di gogetšwe fase bokagodimo ga matheka a bona, ka sethunya se hlometšwe ka lehlakoreng la bona, sekerete ka lehlakoreng la melomo ya bona. E tla ba eng? E sa le bokgoba ka tlase ga diabolo. A ga go na se sengwe seo se ka dirwago?

⁵⁰ Gomme Amorama, mohlomongwe yo mongwe wa bona ba nnoši ba setšhaba, o be a tla namela ditepisi tše dinnyane, go sa kgathale o be a lapile bjang. Fale, bošego bjo bongwe le bjo bongwe, o be a tla bitša Modimo wa Abraham, Yena yo a ithutilego gore o tlie go Abraham, le go tla go Jobo, le go tla go Isaka, le go tla go Jakobo, mo diiring tša tlalelo. Gomme, ka nnete, ge A be a le Modimo ka letšatšing la bona, O be a tla ba Modimo ka letšatšing leo.

⁵¹ Gomme ge A be a le Modimo ka go letšatši la Moshe, Yena ke Modimo lehono. O no hloka go biletšwa godimo go tšwa go histori, le go biletšwa go lefelotiragalo la tiro.

⁵² Gomme ke kgona go bona Amorama, bošego morago ga bošego, ga go kgathale o lapile bjang; seo se netefaditše tumelo ya gagwe ka go Modimo yola.

⁵³ Eupša, lehono, batho, ge ba sa hwetše se sengwe le se sengwe ba se kgopelago, lekga la mathomo ba rapelago, ba bonala ba nagana gore O hwile. Se re se hlokago ke banna le basadi, lehono, ba moyo wa bogale, banna le basadi ba ba ikemišeditšego go swarelela, go fihla ba bona Modimo yo ka kgonthe a phelago,

a etla ka tirong, ba ba ka se tšeego “aowa” bakeng sa karabo. Ba ikemišeditše go dula le yona. Ge ba babja, gomme ngaka e rile ga ba kgone go fola, efela Sengwe ka gare ga bona se a ba botša ba ya go fola. Swarelela, ga go kgathale se se diregago! A le tšoenne dikereke tša lefase la kerekeleina, ka morago ga ge o faditše maatla ohle a gago o sepela go tloga lefelong go ya lefelong, gomme go le bjalo ga o kgone go hwetša kimollo? Go sa na le Modimo yo a arabago thapelo le go phološa go tšwa sebeng.

⁵⁴ Gomme bjalo ka ge re kgona go bona, Amorama, go mašego ale a go lapa, magetla a etšwa madi, a namela godimo ga materapo gape, go fihla iri ya bobedi le ya boraro mosong, a rapela, gomme go bonala o ka re o no bolela le phefo. Tlase ka pelong ya gagwe ya Bojuda fale go be go tuka tumelo yeo go sego diphefo tša pelaelo di ka tsogego tša e tima.

⁵⁵ Woo ke mohuta wa banna le basadi re ba hlokago go tsoga go lefelotiragalo lehono. Ge A sa arabe bošegong bjo, O tla dira gosasa bošego. Ge A sa arabe ngwaga wo, O tla dira ngwaga wa go latela. Ka gore, Yena ke Modimo; e sego *mo* modimo, eupša *yena* Modimo.

⁵⁶ Gomme re a mmona, bošego ka morago ga bošego, bjalo ka ge Amorama a nametše materapo. Gomme Jogebeda o be a tla tla godimo go yena gomme a re, “Amorama, morategi, o bile godimo fa o rapela bošego bjhole. Gobaneng o sa no botsa ba bangwe ba bašemane moo o šomago, le go ba dira ba rapele nakwana?”

⁵⁷ “Gabotse, hani, go ka reng ge ba sa e dire? Yo mongwe o swanetše go e dira. Yo mongwe o swanetše go rapela go kgabola.”

⁵⁸ Yeo ke tsela ye Mokriste yo mongwe le yo mongwe a swanetšeego go ikwela bošegong bjo; e sego go letela yo mongwe gape, eupša go tšea pele, renabeng, gomme re ye go kgabola. Ge re dumela Beibele go ba histori, gape ke Puku ya seprofeto yeo e boleLAGO gore Modimo yola wa go swana o tla tsoga mo matšatšing a mafelelo. Gomme ke nako go Yena go tla go lefelotiragalo.

⁵⁹ Seo ke se Amorama a se tsebilego. Gore Moshe o be a profetile...Goba, e sego Moshe. Ntshwareleng. Abraham o be a filwe tshepišo ke Modimo yo wa histori, Yo a sego a araba thapelo ka go mengwaga ye makgolonne, bokgole bjo re nago le bohlatse. Eupša O dirile tshepišo gore O be a tla ba ntšhetša ntle.

⁶⁰ Gomme, go bonagala, re bile le Modimo wa go homola lebaka la nako ye telele, eupša iri e tlide mo A yago go tsoga go lefelotiragalo.

⁶¹ Bošego bjo bongwe ge Amorama a rapetše, mohlomongwe, lebaka la mengwaga ye mmalwa. Gomme moriri wa gagwe bjale o be o fetoga wo mopududu, gomme go se na le tokologo, eupša go no befabefi. Bošego bjo bongwe o ile thwi tlase tabeng. Ke ka mokgwa wo re swanetšeego go e dira; go ya thwi tlase tabeng. O rile, “Modimo, O tshepišitše se. Gomme re lebeletše pele go

sona. Gomme re bona maswao ohle fa, gomme nako e batametše. Ke nako go Wena go dira se sengwe ka yona.”

⁶² Ge a be a sa le ka go thapelo ya go hlokemediša, a rapela ka pelo ya gagwe yohle, o lebeletše, a eme khoneng. O pikitlide mahlo a gagwe le go lebelela gape. Fale go eme Morongwa ka tšoša e khwamotswe. O rile, “Tokologo e etla. Gomme o ya go tliša morwa ka lefaseng, gomme e ya go ba yena wa go ba lokolla.” Le a bona?

⁶³ Modimo ka mehla o araba thapelo, a ga A? Ge re no swarelela!

⁶⁴ Moshe, ge a eteletšepele bana ba Israele, ka potego, go ya ka lešokeng, gomme o tlide go Lewatle le Lehubedu. Gomme dithaba ka lehlakoreng le tee, le maganata ka go le lengwe, le madira a Farao ka tseleng *ye*, le Lewatle le Lehubedu pele ga bona. Gomme ba be ba tantšwe ka molaleng wo monnyane. Go bonagetše o ka re le tlhago e tla goeletša. Go ya go direga eng? Ba fedile. Madira a Farao, ka dikete tše masome, go ba gorogoša.

⁶⁵ Eupsa batho ba dirile eng? Ba thoma go popoduma le go belaela. “Oo, go ka be go bile bokaone ge re ka be re dutše morago lefelong la rena moo re bego re le.”

⁶⁶ Eupsa go bile le yo mongwe magareng ga batho bale, yo a bilego le kgabo ya tumelo ya Modimo e tuka ka pelong ya gagwe, yo a dumetšego gore Modimo wa histori o tla kgoni go tsoga mo tiragalang ka go mohuta e ka ba ofe wa bothata. Moshe o eme ka diatla tša gagwe godimo go Modimo, le go rapela go fihla Modimo wa histori a tsogile go lefelotiragalo go ba Modimo mo letšatšing la bjale. Gomme O butše tsela, gomme Israele e ile go kgabola meetse, godimo ga naga ya oma.

⁶⁷ Oo, e be e se botelele ka morago ga fao, go fihla Joshua a eteletšepele sehlopha sa go swana, goba bana ba bona, go ya Jorodane. Gomme e be e le kgwedi ya Aporele ge meela ka moka e phophoma, gomme Jorodane e be e le makga a mahlano bogolo bja yona. Go bonala o ka re moetapele yo mongwe le yo mongwe yo mobotse wa sešole o be a ka ba tliša fao go fapani le seo. Gomme go bile ka go yona nako yeo, ge go be go se kgonagalo go e tshela. Eupsa Joshua o eletswe go be go le Modimo wa histori, mengwaga ye masomenne pele, yo a butšego Lewatle le Lehubedu, gomme o biditše Modimo yola. Gomme Modimo yola o tlide fase ka maatla a magolo, gomme a ba Modimo ka tlalelong ya bjale, gomme a bula Jorodane gomme a ba tshedišetša mošola.

⁶⁸ E bile mengwaga ye mentši moragwana, ge palo ya rena ya sehlogo, bosegong bjo, palo ya rena go baleng, ge Eliya a bone thogako ya setšhaba sela, gomme o be a le godimo thabeng, gomme lebaka la makgolo a mengwaga go be go se thapelo ye e arabilwego ka Israele. Efela, Eliya o tsebile gore go be go le Modimo wa histori yo a bego a ka kgoni go tla lefelongtiragalo. Gomme o hlohlile lefase la gosendumele go ema ka bogoneng bja

Modimo yo le go bona ke mang a tla arabago ka mollo. Gomme Modimo yo a kgonnego go šireletša bana ba Bahebere go tšwa leubeng la mollo o tlišitše mollo fase le go ja sehlabelo.

⁶⁹ Gape e be e se botelele ka morago ga fao ge monna a hwile, ka leina la Latsaro. Gomme fao go be go le Modimo yo a bego a sa phela, yo a bego a ka kgona go tšeela Henoge Gae ntle le go bona lehu, le go tšeela Eliya godimo ka koloi ya mollo. Gomme O bileditšwe go lefelotiragalo, ka go iri ya leswiswi ya lehu, gomme O dirile feela ka tsela ye A bego a tla dira ka nako e ka ba efe. Efela, O be a le Modimo wa histori, eupša o tsošitšwe go tloga go histori go ya go tlalelo ya bjale.

⁷⁰ E be e le tlase hleng le kgoro ya Jeriko moo monna wa sefov a dutšego hleng le tsela, a goeletša. Dikholofelo tšohle di be di ile. Ga go dingaka di bego di ka kgona go mo dira botse bjo bo itšego. Tšhelete ya gagwe e be e fedile. Go be go se selo se mo šaletšego eupša go dula fale le go lora lebaka la matšatši a se makae, go fihla lehu le tla ba kimollo ye bose. Gomme letšatši le lengwe, go tleng go theoga tsela, Modimo wa histori o tla go lefelotiragalo, ka go tlalelo ya bjale. Modimo o butše mahlo a sefov.

⁷¹ O ka ntlong ya Jairo, moo dingaka di paletšwego, gomme ba bušetša mosetsana yo monnyane morago go . . . go hwa. Gomme lehu le be le tlie ka gare le go tsea lebaka la lona la go galaka, gomme le tšere ngwana a nnoši, legae, mosetsana yo monnyane wa lesomepedi, gomme ba mo otlollela ntle godimo ga sofa. Ge moreri yo monnyane wa pelo ya go robega a ile a swanelo go tlogela kerekeleina ya gagwe le bagwera ba gagwe bohole, eupša o ile a elelwa gore fao go be go le Modimo wa histori yo a bego a ka kgona go tsoša bahu. Gomme o ile a ya go Mo hwetša.

⁷² “Nyakang, gomme le tla hwetša; kokotang, gomme le tla bulelwa; kgopelang, gomme le tla fiwa.” O sa le Modimo wa go swana.

⁷³ Ge Modimo yo, a dula ka mmeleng wo o bitšwago Jesu, Morwa wa Modimo, ge A bileditšwe go lefelotiragalo, a bileditšwe godimo go tšwa go histori, Modimo Yo a kgonnego go tsoša bahu ka go Testamente ya Kgale, a tliša bophelo morago go lesea la go hwa ka moprofeta. Modimo yola a ka se hwe. Yena ke Modimo bakeng sa Bokagosafelego.

⁷⁴ Lesea lela le robetše fale godimo ga malao, le otlollogile. Gomme Jairo yo monnyane o be a tseba gore Mosunami o hweditše lesea la gagwe morago, o rile, “Modimo yola wa histori, ge A ka tsoge a biletšwa tirong, Yena ke Modimo wa go swana lehono.” Gomme go puruputša go kgabola, o be a kwele ka Monna tsoko—Monna yo a tleleimilego go ba le maatla, gomme yoo e be e le Jesu wa Nasaretha, Yo bohole ba bego ba mo hloile. Eupša o Mmileditše lefelongtiragalo, ka gore O be a le moemedi wa kgauswiuswi kudu a bego a ka kgona go mo hwetša wa Modimo letšatšing, Modimo wa Modimo wa go phela. Gomme

ge A bileditšwe mo tiragalang, gomme Modimo wa histori o bileditšwe godimo, O dirile ka tsela ya go swana A dirilego ge A boletše le Eliya go lesea lela le hwilego.

⁷⁵ A nke ke bolele kudu lehono, ngwanešu wa ka, kgaetšedi, ka go letšatši le la bjale ge tlalelo, gomme ge kankere e eja lefase, le malwetši a mehuta yohle; Modimo wa go swana wa histori yo a hlwekištšego molephera, a fodišitšego balwetši, le go tsoša bahu, ke Modimo wa go swana lehono. O letile ka phišego go batho ba Gagwe go Mmiletša lefelongtiragalo la tiro.

⁷⁶ Yena Yo a kgonnego go lebalela mmalegogwana bakeng sa go dira bootswa makga a šupago mo letšatšing; Yena Yo a kgonnego go hlwekiša modiradibe yo mobemobe le go ba dira ba bašweu bjalo ka lili; Modimo yola wa go swana wa histori o a phela lehono, go hlwekiša pelo ye nngwe le ye nngwe e fifaditšwego ya sebe le gosedumele.

⁷⁷ Go bile le monna a bilego le mošemane ka go hwa dihwahwa letšatši le lengwe, gomme o mo išitše kerekeng, gomme barutiwa ba tansitše le go goelela go mo dikologa, lebakana, gomme ga se ba kgona go dira botse. Eupša go be go sa ne Modimo wa histori yoo a phetšego. O be a ikemišeditše go Mo hwetša. Go Mmona a fologa thabeng, o kitimetše go Yena, gomme o rile, “Morena, nkgaoge. Diabolo o tšere ngwana wa ka, gomme o a tsikitlana le go wela ka mollong.”

⁷⁸ Jesu o rile, “Nka kgona, ge o dumela.” Ge o dumela eng? Ge o dumela gore Modimo wa histori o sa phela lehono. Gomme O ile a biletšwa go lefelotiragalo, gomme go hwa dihwahwa go tlogetše ngwana.

⁷⁹ Modimo yola wa go swana o a phela lehono; ge dikereke di šitilwe, ge dipolitiki di šitilwe, ge se sengwe le se sengwe gape se šitilwe, gomme motho o šitilwe, gomme se sengwe le se sengwe se šitilwe. Modimo a ka se šitwe. Yena ke Modimo wa ye ya kgale, Beibele ya bomorago bjo boso. Tshepišo ya Gagwe e no ba therešo bjalo ka ge e kile ya ba. Gomme ke nako yeo batho ba Gagwe ba Mmiditšego, ba Mo tsoštše go tšwa historing. Ka gore go ngwadilwe, “Jesu Kriste wa go swana maabane, lehono, le go ya go ile.” Yena ke Modimo wa histori, gomme Ke Modimo wa nako-ya-bjale.

⁸⁰ “Gomme ka matšatšing a mafelelo,” O rile, “Ke tla tšollela Moya wa Ka godimo ga nama yohle, gomme maswao le matete a tla latela bona ba ba dumelago; gobane ka Leina la Ka ba tla lelekela bodiabolo ntle; ba tla bolela ka maleme a maswa; ge ba ka swara disephente, goba ba nwa dilo tše di bolayago, di ka se ba gobatše; gomme ge ba bea diatla tša bona godimo ga balwetši, ba tla welwa ke maruru.”

⁸¹ Yoo e be e le Modimo wa histori yo a filego tshepišo, gomme re batho lehono ba mafulo a Gagwe. Ke rena dinku tša lešaka la Gagwe, gomme O letetše rena go ema le go Mmiletša tirong.

Mmiletšeng go lefelotiragalo. Mo šetšeng a eya ka go mesepelo. Mo šetšeng a dira ya godimo. Mo šetšeng a dira selo seo motho a tla se makalago, le go ngwaya dihlogo tša bona, gomme a sa se kwešiše. Ke Modimo wa histori, le Modimo wa letšatši la bjale. O letile go biletšwa ntle ga histori.

⁸² A re se Mo lebelele . . . Ke botse bofe Modimo wa histori a re direlago ge A no ba Modimo wa histori? Ke botse bofe Modimo wa histori a bego a tla bo direla Amorama le Jogebeda? Ke botse bofe Modimo wa histori a bego a tla bo dira go Moshe? Ke botse bofe Modimo wa histori a bego a tla bo dira go Latsaro? Ke botse bofe Modimo wa histori a bego a (a ka bego a bo dirile) tla be a bo dirile go sefolu Baratamio mo kgorong? Gomme ke botse bofe Modimo wa histori a bego a tla go direla, bošegong bjo, ge A sa swane lehono?

⁸³ O a swana lehono. O lebalela dibe tša rena tšohle, le go fodiša malwetši a rena ohle. Modimo wa histori, o biditše go tšwa go histori, O tla phadima ka go letšatši le la Seetša. Eng? Ge nako e fela, ge dipolitiki di fela, ge bophelo bo fela, ge se sengwe le se sengwe se etla bofelong, Jesu o tla go Seetša. Ge se sengwe le se sengwe se kopane le tshenyego ya sona, O sa phadima, “Lili ya Moeding, Naledi ya go Kganya le Moso.”

⁸⁴ O a swana maabane, lehono, le go ya go ile. E nong go bitša Modimo wa histori, gomme Mo šetšeng a eba Modimo wa bjale, a tsošitšwe go tšwa go histori, go phadima feela bjalo ka ge A dirile nako yela. O tla dira go swana. O tla dira go swana. O tla swarela go swana. O tla fodiša go swana. Kwelobohloko ya Gagwe e a swana. Go rata ga Gagwe go a swana. Gomme Maatla a Gagwe a a swana. O a swana. O letile bakeng sa ya rena . . .

⁸⁵ O ka se kgone go Mmitša ka dipounama tša gago. Ga A tle ka tirelo ya dipounama. O tla ka tumelo. Ge tumelo ya gago; e sego thapelo ya gago ye telele, go swa ga gago.

⁸⁶ Eupša O tla ka yela ye nnyane, tumelo ya go fifala yeo e lego tlasetlase ka soulong ya gago, yeo e ka go swara le go re, “Selo sela se sennyane seo se bilego, se ntlišitše go tabarenekele ye bošegong bjo, se ka gotetša soulo ya ka ka boswa, se ka nthomela kgole go tloga fa, ke eswa le go opela, feela boka dinonyana moyeng.” Ka baka la eng? Ke Modimo wa histori gomme ke Modimo wa letšatši la bjale. O letetše go bitšwa. Bitšang Morena. O tla le kwa. Bolela le Yena, ka pesaleme. Rapela go Yena gomme o Mo dumele. O tla araba.

⁸⁷ Gomme mantšu a ke a boleLAGO, go tswaleleng. Ke ka lebaka leo kopano ye, bošegong bjo. Ke ka lebaka leo kopano ye e thomilego. Ke a dumela gore Modimo yo a mpoditšego, mengwaga ye masomepedi šupa ya go feta, ge re bea letlapa le la motheo ka kua, gore ke tla rera Ebangedi go dikologa lefase. O e dirile e direge. Ge ba segile le go re, “O ya kae, Billy, ka thuto ya gago ya kereiti ya bošupa?”

Ke rile, “Ke ya Leineng la Morena Jesu.”

⁸⁸ Ge ke rerile theroyaka pele ketloga, mengwaga ye lesometee ya go feta, go kgabaganya phuluphithi ye, gomme Mdi. Gertie a dutšego fale, o opetše yela, *Dumela Feela*. Gomme tšitširipa ye kgolo e eme mošola, boka ke rerile ka yona, Dafida le Goliate. Go be go le saense ka go lefase le legolo la go tsebjia, go ahlolaphodišo Kgethwa le go e bea go dihlong. Gomme yo mongwe le yo mongwe a mpotša, “Mošemane, o tla phatloga ntle kua. Ba tla go lahlela ka kgolegong. Ba tla dira *se, seo*, goba *se sengwe*. Eupša Modimo wa histori o tlie go lefelotiragalo mošola, gomme o mpoditše go e dira. Gomme ke e dirile ka mogau wa Gagwe le kgaogelo ya Gagwe. Modimo yola wa go swana yoo a bilego histori, ya mengwaga ye lesome ya go feta, o tsogile go lefelotiragalo gape. Feela ka kgonthe bjalo ka ge A tlišitše sela go phethega, O tla tliša se go phethega. Yena ke Modimo wa histori, gomme Yena ke Modimo wa letšatši la bjale. Ga A tsoge a potuma goba go robala. A ka se kgone go hwa, gobane ga se A be le mathomo goba bofelo.

⁸⁹ Ka tabeng ya gago, bošegong bjo, mogwera modiradibe, maikutlo a mannyane ale a go tsikinya go dikologa pelo ya gago, ao a go botšago gore O a swana, ao a go botšago gore A ka go lokolla go tšwa go morwalo wo mongwe le wo mongwe le bosenyi bjo bongwe le bjo bongwe, le sebe se sengwe le se sengwe seo o se dirilego kgahlanong le Yena.

⁹⁰ O ka kgona go bea dikholofelo tša gago ka go eng? Ebile e sego le ka legaeng la gago mong, e sego ka go mosadimogatša wa gago, e sego ka lapeng la gago, mme goba tate.

Dikholofelo tša ka ga tša agwa go selo ntle le
 Go feta Madi a Jesu le toko;
 Ge gohle go dikologa soulo ya ka go efa tsela,
 Gona Ke kholofelo yohle ya ka le go dula.
 Godimo ga Kriste, Leswika lela la go tia, re a
 ema;
 Mafelo ohle a mangwe ke kwenamohlaba.

⁹¹ Kereke, mogwera, e ka ba eng e lego, tšohle di tla bofelong. Eupša O phela go ya go ile. Gomme ka gobane O a phela, re phela le Ÿena.

⁹² O be o tla fa eng ka neeletšano? O be o ka kgona go fa eng? Go ka reng ge Modimo a go biditše bošegong bjo go araba Kahlolong? O be o tla dira eng ka yona? O bea dikholofelo tša gago ka setšhabeng? Se a thubega, go swana le tšohle tše dingwe. O beile dikholofelo tša gago ka go dikgetho tše itšego tše di tlago? Bona banna, ga ke na le selo kgahlanong le bona, eupša ke ba ba hwago gomme ba ya go tloga. O ka se kgone go bea dikholofelo tša gago ka go selo le gatee, se se yago go swara, eupša Modimo wa histori Yo a tshepišitše O tla tsoga. Gomme letšatši tsoko la go šegofala . . .

⁹³ Ba ka no go tšeela ka kua gomme ba tšhela lerole godimo ga gago, mmoloki, eupša Morotoši o tla tla tikologong le lengwe la matšatši a. Mmoloki o tla go tšeela fase, eupša Morotoši o tla go tšeela godimo feela ka nnete. “Ka gore bao ba hwetšego ka go Kriste Modimo o tla ba tliša le Yena ge A etla.” Ka gore Yena ke Modimo wa histori bjale, go ba bantši, eupša O tla ba Modimo wa letšatši la bjale ge o Mo amogela bjalo ka Mophološi wa gago le go Mo hwetša kgonthe pelong ya gago. Go tla ba le Sengwe ka go wena seo se go botšago. O ka no se be le maikutlo. O ka no se lle. O ka no se bolele ka maleme. O ka no se kitime. O ka no se goelele. Eupša se sengwe se tla direga, seo o tla se tsebago, seo o tla tseba gore se sengwe se diregile. Bophelo bja gago bo tla bapela thwi le seo, ge feela o phela. Gomme ge iri ya mafelelo e etla gomme o tlogela lefase le, o ka se boife bobe. “Ka gore O na le nna. Molamo wa Gago le lepara la Gago, di tla nkhomotša.” Ge ngaka a go ganne, gomme a go tlogetše, gomme ditšhika tša go tonya di tla godimo.

⁹⁴ Go swana le Mna. Vauder bošego bjo bongwe, yo a kilego a ba ratoropo wa rena wa go tsebega fa wa toropokgolo, o ile go kwa Mna. Nixon a bolela, o hwile thwi go lefelotiragalo. Wa go loka, monna wa go phelega, bokgole bjo ke tsebago.

⁹⁵ Ke tla tloga gae, ka bowa morago, mosadimogatša wa ka o rile, “Billy, a o be o tseba *Semangmang* o hwile?”

⁹⁶ Letšatši le lengwe, mosetsana wa ka yo monnyane a dutšego sekolong godimo mo, le mosetsana yo monnyane, ka Labone, gomme ka Lamorena ba mmolokile. O tšere nyumonia. E ile pelong ya gagwe goba se sengwe, gomme (yena) e mmolaile. O be a hwile.

⁹⁷ Gomme mogwera wa ka, Mdi. Williams godimo mo, mosadimogatša wa Buck William, ke mo tsebile lebaka la mengwaga. Zella Brakeman fa, o fa ka moagong felotsoko, ke samme wa gagwe, yo a phetšego thwi mo, mojako wo o latelago, lebaka la mengwaga, ge re be re phela go kgabaganya seterata. A tloga; o be a tšhogile gannyane, eupša o be a ile ge ke bowa morago.

⁹⁸ Le bona se e lego? Nako ye nngwe, ke, o ya go kopana le yona. Gomme tšhelete yohle o ka kgonago go e kgoboketša, bagwera bohole o ka kgonago go ba kgoboketša... Go lokile. Eupša, bohole bao, a seo e be sa bobedi. Dumela Modimo wa histori, gore Yena ke Modimo wa letšatši la bjale, go no swana, bona se A tla go direlago.

⁹⁹ Go lena ba le babjago le go hloka, ngaka e le ganne gomme a ka se kgone go le direla go feta. Elelwang, Modimo wa histori ke Modimo wa go swana lehono.

A re rapeleng feela nakwana bjale, ge re inamiša hlogo ya rena.

¹⁰⁰ Ge go na le bao ka mo bošegong bjo, ga ke tsebe, ge go na le bao ka mo, bošegong bjo, ba ba tsebago, bakeng sa phološo ya soulo ya lena, gore ge Modimo yola Yo a tshepišitšego gore O tla tla ka nakwana, ka panya ya leihlo, ge le sa nagane, ge o se na le Yena, o no eleletša o na le Yena, o a elelwa, “Go na le tsela ye e bonalago e lokile, eupša bofelo bja yona ke ditsela tša lehu,” ge o se phosithifi gore—gore o phološitšwe, bošegong bjo, gomme ge A ka tla, o tla ya le Yena, a o ka no dira bontši kudu go phagamišetša seatla sa gago go Yena, gomme ka go dira bjalo, o re, “Nkgao gele, Modimo”? Ke a go leboga. Modimo a go šegofatše. Diatla tše ntši di ile godimo. A go ka ba yo mongwe pele re tswalela? A o ka . . . le go ba le thapelo. Modimo a go šegofatše, lekgarebe. E no se be le dihlong bjale. Ka nnete.

¹⁰¹ Ke botse bofe e bo dirago go rera Modimo wa histori, ge A sa swane lehono? Gomme, ngwanešu, kgaetšedi, ke bolela se. Ke badile ka Modimo wa histori nako ye nngwe. Ke badile ka Yena ka dipukung. Ke badile ka Yena ka Beibeleng. Eupša letšatši le lengwe ke kopane le Yena. Ke kopane le Yena. O tlie go nna. O mpoditše gore ke se ke ka nwa, ke se kgoge le—le go itšilafatša ka bona, gomme O bile le se sengwe go nna go se dira ge ke eba yo mogolo gannyane. Ke be ke sa no ba mošemane yo monnyane. O—O netefaditše seo. O se dirile. Seswantšho sa Gagwe sese se lekeletše thwi fa bjale, ge saense e se tšere. Le a bona? Lefase le a e tseba. O e netefaditše magareng ga lena. O tseba kgopolo ye nngwe le ye nngwe ka pelong ya gago. O inetefaditše Yenamong. Ke Yena Modimo wa go swana lehono. Ga se Yena Modimo wa histori.

¹⁰² O se no ba . . . lesa lefase le go pshikološetše fase ka maraga le dilo tša lefase. Mo dumele thwi bjale . . . [Ga go selo lefelong la theipi—Mor.] A o ka phagamiša seatla sa gago? Ba bangwe ba sego ba dira, a o ka phagamiša seatla sa gago, wa re, “Modimo, ga ke na le nnete ka yona, eupša ke nyaka go ba le nnete. A nke ke . . .”

¹⁰³ Modimo a go šegofatše, lesogana. Yo mongwe? Gomme Modimo a go šegofatše, morago fao, kgaetšedi. Modimo a go šegofatše, ngwanešu. Yo mongwe gape? Modimo a go šegofatše, kgaetšedi. Modimo a go šegofatše, godimo fale, ngwanešu. Yeo ke nnete.

¹⁰⁴ O re, “Ngwanešu Bill, a e ka ra eng kapa eng go nna, go swara seatla sa ka godimo?” O iša seatla sa gago godimo, gatee, gomme wa hwetša. Ka mehla, ngwanešu, kgaetšedi, ge o dira e ka ba eng gabotse, o ikwela gabotse ka yona.

¹⁰⁵ Botega. Bjale, o se ke wa aketša go Modimo. Ga o aketše Modimo. O a tseba. O a ikaketša wenamong. Le a tseba, maaka ke selo sa go šiiša kudu, go fihla ebile ba kgona go go tšeela ka dikgorongtsheko tša feterele le dikgorotsheko tša bosenyi, gomme—gomme ba Bea motšhene wa go fenyeka maaka godimo

ga letsogo la gago, gomme o ka kgona go leka bokaonekaone bja gago go bolela selo seo, go se dira gore se kwagale bjalo ka therešo, eupša megalatšika ya gago e tla netefatša gore o bolela maaka. Gobaneng? Ga se wa direlwa go aketša. Gomme ge motšene wa go fenyeka maaka o tseba, go reng ka Modimo?

¹⁰⁶ O re, “Eupša, ngwanešu, ke nna Mobaptist. Ke nna Mopresbyterian. Ke nna Momethodist.” Seo se lokile.

¹⁰⁷ Ke le botšiša selo se tee. A le kile la kopana le Modimo yo wa histori? A O eme ka sethogkweng se se tukago pele ga gago, gomme o a tseba? Gomme O boletše morago go soulo ya gago, gomme o a tseba dibe tša gago di ile? Ge seo se se bjalo, o se ke wa leka mahlatse feela ka go tšoena kereke, goba o ile godimo kua gomme wa ikwela gabotse gannyane ka yona. O swanetše go Mo tseba. E sego go kwa ka Yena, e sego go ba le ditšhegofatšo tša Gagwe, ke Bophelo. Eupša, go Mo tseba, ke Bophelo; go Mo tseba, go Mo tseba ka sebele; *Yena*, lešalašala, go Mo tseba. E sego go tseba Puku ya Gagwe, e sego go ba moithuti yo mokaone, e sego go ba moleloko yo mokaone, goba monna wa go loka goba mosadi wa go loka. Seo ga se e dire; molao o dirile seo. Eupša, go Mo tseba! A o kopane le Yena? A yoo ke Modimo, yo a boletšego le Moshe ka sethogkweng se se tukago, o tlide pele ga gago? A o Mo kwele a bolela le wena, go fihla o tseba gore e be e le Yena? Ge A se a dira, e no phagamiša sealta sa gago, o re, “Modimo, bolela le nna bjale. A ke Wena o hamago go dikologa pelo ya ka?” Ke—ke nyaka go Go tseba.”

¹⁰⁸ Modimo a go šegofatše, mohumagadi yo moswa. Modimo a go šegofatše, morago fao. Seo ke se sebotse. Seo ke therešo. Yo mongwe a sego a dira. Yeo ke nnete. Modimo a go šegofatše, kgaetšedi. Modimo a go šegofatše, mohumagadi yo moswa, fa. Seo ke se sebotse. Modimo a go šegofatše, mohumagadi yo monnyane godimo fa.

¹⁰⁹ Bjale ka setu ka kgonthe, ka dihlogo tša lena di inamišitšwe, ka boleta go e hama.

Go hlabeng go gongwe ga letšatši la gauta, Jesu
o tla tla;
Go hlabeng go gongwe ga letšatši la gauta,
dintwa tšohle di thopilwe,
Re tla goelela phenyo, ra phuleletša go kgabola
bolou,
Go hlabeng go gongwe ga letšatši la gauta,
bakeng sa ka, bakeng sa gago.

¹¹⁰ Bjale, lena le phagamišitšego diatla tša lena, ge le kganyoga dithapelo tša ka bakeng sa lena, le go dumela gore Modimo o tla nkwa, le nyaka go sepelela godimo mo aletareng, a nke ke eme mo gomme ke rapele le lena, gannyane. Aletara e bulegile. Modimo a go šegofatše, ngwanešu. Yeo ke nnete. Modimo a le šegofatše, banna. Modimo a go šegofatše, kgaetšedi. Emelela thwi gomme

o rotogele godimo. Ge o dumela Modimo o tla thuša, le go kwa thapelo, go nna go go thuša go tla go kgabola go ya go Yena, go Mo tseba, sepelela thwi godimo bjale. A o ka se ke?

Go hlabeng go gongwe ga letšatši la gauta,
Jesu . . .

¹¹¹ Re tseba bjang e ka se be mosong?

. . . dintwa . . .

Ntwa yela o e lwago thwi bjale, a o ka se e dumelele go fenywe gonabjale, gona? A nke e fenywe gonabjale, gore o kgone go goelela phenyo.

Go hlabeng go gongwe ga letšatši la gauta,
bakeng sa ka, bakeng sa lena.

Go hlabeng go gongwe ga letšatši la gauta,
Jesu . . .

¹¹² E no ya thwi godimo, yeo ke nneta, gomme o dire tsela ya gago thwi godimo, go dikologa.

. . . dintwa tšohle di fenywa,
Re tla goelela phenyo, ra phuleletša go kgabola
bolou,

Go hlabeng go gongwe ga letšatši la gauta . . .

¹¹³ A le ka se tle bjale, ge re sa letile? Re tla le thuša fa, ka thapelo. Thapelo ya tumelo e re direla bontši. A le ka se tle? Ke le phegelela go tla, go amogela Modimo wa nako ya bjale. E sego feela mo—mo modimo, gore o ya kerekeng gomme wa re, “Gabotse, ke tšoenne kereke.” Modimo yoo a ka se šome. Modimo wa Methodist, modimo wa Baptist, modimo wa Presbyterian, modimo wa Pentecostal, ba ka se šome. Hwetšang Modimo wa Beibele ye. Modimo wa Pentecostal o tla ya ntle ka lefaseng; modimo wa Methodist, goba modimo wa Baptist, goba modimo e ka ba ofe yo mongwe wa kerekeleina. Eupša Modimo wa Beibele ye, o tla go dira boka Jesu. Ka kgonthe O tla dira. Moya wa Gagwe o tla dula ka go wena, gomme bophelo bjohle bja gago bo tla fetolwa; pelwapelwana yela, bohlwele bjola, moya wola wa go se lebalele, selo sela se tla senyago soulo ya gago ka go go lahlega ga Bokagosafelego.

¹¹⁴ Ke no ba ke fošetša pele nneta bjale. Go tšwa go wena. E latele ka gare, a o ka se ke? Sepelelang ntle thwi, go dikologa aletara mo. Ba bantsi ba lena le emišitše diatla tša lena morago kua. Batho ba tla go dumelela godimo, go dikologa madulo a bona. Morena a go šegofatše, lesogana.

¹¹⁵ Bjale ge ka boleta a sa bapala mmino, mo go eme ba mmalwa go dikologa aletara. Disoulo tše šupago tše di tlidego pele go ema go dikologa aletara. A le be le tseba šupa ke nomoro ya go phethagala go Modimo, phethagalo? Moya wo Mokgethwa o sa tšo tla fase go motho a emego fa, gonabjale. Seo ke se ke se bitšago Moya wo Mokgethwa, ngwanešu.

¹¹⁶ Bjale O fa, go yo mongwe le yo mongwe wa lena. E nong go kokobela ka dipelong tša lena. Go ka reng ge ye e be e le nako ya mafelelo o bego o eya go tsoge wa ema go dikologa aletara, ye ke thapelo ya mafelelo o kilego wa ya go e bolela, gonabjale? Jesu o ya go tla. A ka no kokota lebating la gago pele ga moso, o a tseba. O swanetše go sepela, letšatši le lengwe. Gomme ge Modimo wa bohole, Yena ke Modimo wa histori, gomme Yena ke Modimo wa lehono.

¹¹⁷ O boletše le wena. O emeletše fa pele ga Gagwe, go kopana le Yena. O tlie pele go kopana le Yena. O tla kopana le wena. O eme thwi fa bjale. Feelia, ka pelong ya gago, ipolele tšohle o di dirilego tše di fošagetšego. E re, “Modimo, nkgaogele, modiradibe. Ke dirile phošo gomme bjale ke—ke a ipolela, ka pelo ya ka yohle, gore ke phošo. Ke nyaka Wena o be le kgaogelo go nna le go ntshwarela dibe tša ka. Ke—ke tla Go hlankela letšatši la ka ka moka. Gomme a nke mollo wo monnyane wo woo o tukago ka pelong ya ka, tumelo ye nnnyane, yeo e ntirilego go tla godimo fa go aletara ye, bošegong bjo, a nke e no swara tsela tlase botebong ka soulong ya ka. A nke e sware thwi fa bjale. Gomme se sengwe se swe, seo se no mpotšago, ‘Ee, O a phela, Jesu.’ Gomme ke a Go rata. Gomme ke ya go Go bona mo go lefelotiragalo mo diiring di se kae tše di latelago, o dira dilo, dilo tše kgolo. Ke thabile kudu gore ke tlie pele ge O boletše le pelo ya ka. Ke ya go Go bona o dira dikankere go tlogela batho, o fodiša balwetši le bahloki. Go ba kwa ba bowa morago, ba paka se Modimo a ba diretšego; Modimo wa histori, Yo a tsogilego go tšwa go histori, gomme o a swana lehono, go tleng go lefelotiragalo. Gobane, O tla nako ye go dula; go Tla ga Gagwe la bobedi.”

A re rape leng bjale. Le rapele le nna, yo mongwe le yo mongwe wa lena.

¹¹⁸ Morategi Modimo, ke tliša pele ga Gago gonabjale, ba šupa ba. Bošego bja mathomo bo tšweleditše dinaledi tše šupa tša go hlahlatha. O boletše, ka go Lentšu la Gago le bohlokwa, “Ga go motho a ka tlago go Nna, ntle le ge Tate wa Ka a mo goga pele. Gomme yo a tlago go Nna, Nka se mo lelekele ntle le ka mokgwa ofe, eupša ke tla fa Bophelo bjo Bosafelego, gomme ke tla mo tsoša ka letšatši la mafelelo.” Morena, yeo ke tshepišo ya Gago. Gomme ka maikutlo, tiro ya phenyego, disoulo tše bohlokwa tše tša go hlahlatha tše šupago di gatetše pele bošegong bjo, gobane ba dumela gore Modimo yoo a boletšwego go baprofeta, Modimo yoo a boletšego le monna wa sefov, O a phela le bjale lehono. Gomme ba gatela pele go kopana le Yena.

¹¹⁹ Modimo yola wa go swana Yo a dirilego tshepišo, gomme o kopane le molephera mabaleng a gagwe mong, Yo a kopanego le mosadi ka taba ya madi mo lešing la noka, Yo a kopanego le lehu mo lebitleng la Latsaro gomme o mo retolotše, ke Modimo wa go swana bošegong bjo, Yo a emego fa go kopana le lehu le la semoya le go mo retolla go dikologa, le go re, “Tšeа diatla tša

gago go tšwa go ba ba tlilego go Mpolela ka go goketša ga Moya wa Ka. Ke tla ba fa Bophelo bjo Bosafelego, gomme ga go motho a ka ba tlošago go Nna. Ke tla ba tsoša mo letšatšing la mafelelo.”

¹²⁰ Re a Go leboga bakeng sa bona, Tate. Gomme re a rapela gore ba tla dula ba botega ka diatleng tša Gago, go fihla lehu le tla ba lokolla. Ge ba tla tsena ka mathabong a Morena, ka letšatši le legolo lela, ge Selalelo sa Monyanya se bewa go kgabaganya mafaufau, gore ge Kgoši a etla ntle le go re, “Le elelwa letšatši lela la mathomo la Okotobere, 1958, ka go tabarenekele yela ye nnyane ya khonkhoriti? O sepeletše godimo gomme wa Ntseela bjalo ka Mopholoshi wa gago. Ke boletše le wena. O be o le modiradibe nako yeo, eupša bjale Ke go pholosítše. Gomme bjale ke wena wa Ka, gomme o na le Bophelo bjo Bosafelego. Bjale tsena ka mathabong ao ke go lokišeditše, go tloga motheong wa lefase.” E fe, Morena. Ke ba Gago bjale. Re ba neela go Wena, Leineng la Jesu Kriste. Amene.

Bjale ka dihlogo tša lena di inamišitšwe, batheeletši.

¹²¹ Ke ya go kgopela yo mongwe le yo mongwe wa lena mo aletareng. A o ikwela, tlase ka pelong ya gago bjale, go tšwa go wona mabotebo a soulo ya gago, gore kgabo ye nnyane ya tumelo yeo e go boditšego go tla pele aletareng fa, go dira tiro ye yeo bjale o e dirilego, ka morago ga go phagamiša diatla tša gago le go sepelela pele, a o ikwela gore kgabo ye nnyane yela e thomile go swa go ya go tumelo ya kgonthye e phelago ka pelong ya gago? Gomme bjale o a dumela gore Jesu o lebaletše dibe tša gago, gomme o ya go ba wa Gagwe go tloga bjale go ya pele? Ge o dira, a o ka phagamišetša seatla sa gago se setona go Yena? Lena go dikologa aletara, phagamišetša seatla sa gago se setona godimo, ge o ikwela gore Jesu o lebaletše dibe tša gago tšohle. Wena tikologong... Bjale, fao go tše pedi, diatla tše tharo, di sego godimo. Bjale e nong go tšwelapele le rapela, yo mongwe le yo mongwe.



Go Mo PHAGAMIŠA Go Tšwa Go HISTORI NST58-1001
(Lifting Him Up Out Of History)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Oktobere 1, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org